

HARI MINGGU PRAPASKA KE-3 (A)

Keluaran 17:3-7; Mazmur 94:1-2. 6-9. R/ v. 8; Roma 5:1-2. 5-8
Yohanes 4:5-42 (Versi Singkat, 4:5-16. 19-26. 39-42)

Tema: DALAM IMAN KITA DIBAPTIS DAN DALAM PEMBAPTISAN KITA MENERIMA ROH KUDUS CINTAKASIH ALLAH

1. Hari ini adalah Hari Minggu Prapaska ke-3 dalam Tahun Liturgi A. Prapaska adalah masa dimana kita membuat persiapan untuk merayakan kematian dan kebangkitan Yesus Kristus; dan dimana kita membuat persiapan untuk merayakan kematian dan kebangkitan kita bersama Yesus Kristus di dalam sakramen pembaptisan!

Prapaska dengan itu adalah masa dimana para katekumen kita membuat persiapan untuk pembaptisan mereka dan dimana kita yang telah dibaptis membuat persiapan pembaharuan pembaptisan kita pada Malam Menjelang Paska, supaya kita juga akan mati dan bangkit bersama Yesus Kristus ke Hidup Baru Paska! Prapaska dengan itu adalah masa pertobatan! Prapaska dengan itu adalah masa kita bertumbuh dalam iman kita!

2. Bahkan Injil hari ini memberitahu kita bahawa perempuan Samaria bertumbuh dalam iman! Pada mulanya dia percaya Yesus sebagai seorang manusia, kemudian dia percaya Yesus adalah seorang nabi, dan kemudian dia percaya bahawa Yesus adalah Mesias, selepas itu dia menjadi misionaris pertama dan rasul pertama Yesus untuk menginjil kepada orang Samaria yang lain, dan akhirnya orang Samaria yang lain percaya bahawa Yesus adalah Juruselamat Dunia!

Lebih penting, Injil hari ini memberitahu kita bahawa Yesus memberi dia air kehidupan yang akan menjadi sumur di dalam dia yang terus menurun memancar sampai kepada hidup yang kekal dan dia tidak akan haus lagi!

Injil hari ini melambangkan pembaptisan kita! Pada masa Prapaska ini kita bertumbuh dalam iman sama seperti perempuan Samaria itu. Pada Malam Menjelang Paska kita akan dibaptis dengan air pembaptisan, air Roh Kudus, air Suci! Air Suci adalah air kehidupan yang akan menjadi sumur di dalam kita yang terus menerus memancar sampai kepada hidup yang kekal dan kita tidak akan haus lagi!

3. Bacaan pertama memberitahu kita bahawa umat Israel tidak mempunyai iman dalam Allah! Mereka bersungut-sungut kepada Musa sebab membawa mereka keluar dari Mesir ke padang gurun untuk mati kehausan! Mereka, anak-anak mereka dan ternakan lembu mereka akan mati kehausan! Mereka mencobai Allah dengan mempersoalkan Allah sama ada Dia ada bersama mereka atau tidak! Tempat itu dipanggil Meriba (bertengkar) dan Masa (mencobai) sebab umat Israel bertengkar dan mencobai Allah!

4. Mazmur antarbacaan memberitahu kita untuk mempunyai iman dalam Allah! Justru itu kita menyahut tiga kali:

“Hari ini jika mendengar suara Tuhan, janganlah bertegar hati,” (Mzm 94(95):8; SM)

Mazmur antarbacaan mempunyai tiga rangkap. Rangkap pertama memberitahu kita bahawa Allah adalah Juruselamat kita (ayat 1-2)! Rangkap kedua memberitahu kita bahawa Allah adalah Pencipta dan Penebus kita (ayat 6-7); NJBC)! Rangkap ketiga memberitahu kita untuk mempunyai iman dalam Allah dan bukan seperti umat Israel yang tidak mempunyai iman dalam Allah! Dengan itu rangkap ketiga:

“Hari ini jika mendengar suara-Nya, jangan bertegar hati seperti di Meriba, seperti di Masa di padang gurun, ketika keluhur-Mu mencabai Aku, walau menyaksikan karya-Ku yang agung.” (Mzm 94(95):7c-9; SM)

5. Bacaan kedua memberitahu kita bahawa hanya dalam iman barulah kita dibaptis dalam Yesus Kristus dan ianya dalam pembaptisan kita terima Roh Kudus cinta kasih Allah; cinta kasih Allah yang mengasihi pendosa, cinta kasih Allah yang berbelas kasih kepada pendosa, cinta kasih Allah yang mengampuni pendosa, dan cinta kasih Allah yang menyelamatkan pendosa!

6. Pada musim Prapaska ini, Gereja meminta kita berdoa, berpuasa dan memberi sedekah kepada yang miskin, bukan sebagai hukuman atas dosa kita; tetapi sebagai pertobatan kita; untuk membantu kita bertumbuh dalam iman, agar pada Malam Menjelang Paska, di dalam sakramen pembaptisan dan dalam pembaharuan pembaptisan kita, kita akan mati dan bangkit bersama Yesus Kristus ke hidup baru Paska! Berkat Prapaska untuk kamu semua! Amen!

Cadangan soalan-soalan untuk renungan individu dan perkongsian dalam keluarga, dalam kumpulan-kumpulan kecil dan komuniti-komuniti kecil:

1. Apakah kamu membuat persiapan untuk pembaptisan kamu? Bagaimanakah kamu mempersiapkan pembaptisan kamu? Adakah kamu membuat persiapan untuk pembaharuan pembaptisan kamu? Bagaimanakah kamu membuat persiapan untuk pembaharuan pembaptisan kamu?

2. Dalam persiapan kamu untuk pembaptisan atau pembaharuan pembaptisan, adakah kamu berdoa, berpuasa dan bersedekah kepada yang miskin?

3. Apakah kamu mempunyai iman? Bagaimana kamu mempunyai iman? Bagaimana kamu bertumbuh dalam iman? Adakah kamu berdoa, berpuasa dan bersedekah? Adakah kamu membaca Kitab Suci? Adakah kamu membaca Katekismus Gereja Katolik? Adakah kamu menghadiri pertemuan KED (Komuniti Eklestial Dasar), dll?

4. Apakah yang kamu terima dalam sakramen pembaptisan? Apa itu Roh Kudus? Apakah yang dilakukan Roh Kudus kepada kamu?

5. Apakah yang dikatakan kepada kamu dalam petikan Pesanan Prapaska Sri Paus Fransiskus:

“Saudara dan saudari, semoga musim Prapaska ini memperlihatkan seluruh Gereja bersiap untuk menanggung sebagai saksi kepada semua yang hidupnya pada material, moral dan kemiskinan rohani terhadap pesanan Injil akan belas kasihan kasih Allah Bapa, yang bersiap sedia memeluk semua orang dalam Kristus. Kita dapat melakukannya ini sehingga sampai kepada tahap di mana kita mencontohi Kristus yang menjadi miskin dan diperkayakan di dalam kemiskinan-Nya itu. Prapaska adalah masa yang sesuai untuk penyangkalan diri; kita akan lebih baik bertanya diri sendiri apa yang dapat kita lepaskan agar dapat membantu dan memperkayakan orang lain dengan harta milik kita. Jangan kita lupa bahawa harta sebenar melukai: tiada penyangkalan diri sebenar tanpa dimensi pertobatan ini. Saya tidak percaya kepada amal yang percuma dan tidak menyakiti.”

(2014 Pesanan Prapaska Sri Paus Fransiskus: “Ia, yang oleh kerana kamu menjadi miskin, sekalipun ia kaya, supaya kamu menjadi kaya oleh kerana kemiskinan kamu (ruj. 2 Korintus 8:9))

Fr. Nicholas Ong, Holy Trinity Catholic Church (HTCC), Tawau, Sabah, Malaysia,

Rujukan: New Jerome Biblical Commentary (NJBC); Sunday Missal (SM).